

Òraidiche Làan-ùine



Fios mun Dreuchd

www.smo.uhi.ac.uk

A charaid/A bhanacharaid

Tha sinn fìor thoilichte gu bheil sibh air ùidh a nochdadh anns an dreuchd Òraidiche aig Sabhal Mòr Ostaig.

Anns a' phasgan seo, thathas air beagan fiosrachaidh a tharraing ri chèile airson blasad a thoirt dhuibh air na bhios a' dol aig a' Cholaiste agus air an t-seòrsa àrainneachd-obrach a tha againn.

Tha mi an dòchas gun còrd na leanas ribh agus gum bi sibh airson ur n-iarrtas a thoirt air adhart chun na h-ath ìre. Ma tha ceistean sam bith agaibh no ma tha am barrachd fiosrachaidh a dhìth oirbh faodar bruidhinn rium aig àm sam bith.

Le deagh dùrachdan



Stiùiriche an Fhoghlaim

01471 888 302

mnl1.smo@uhi.ac.uk

Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir tro mheadhan na Gàidhlig - an aon Cholaiste den t-seòrsa seo an Alba agus san t-saoghal. Tha a' Cholaiste stèidhichte ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.

Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar Ionad airson Cànan agus Cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus chothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chàin, a' chultair agus nan ealan agus tha i an sàs ann an iomadh pròiseact gus seo a thoirt air adhart.

“Far am faigh a h-uile neach cothrom pàirt a ghabhail ann an leasachadh na Gàidhlig”

Amas na Colaiste

Tha Sabhal Mòr Ostaig airson a bhith na shàr ionad acadaimigeach aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanadh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-gnìomhachais agus a' choimhearsnachd air fad gus leasachaidhean sòisealta, dualchasach agus eaconamach a chur air adhart. Tha a' Cholaiste na h-àite foghlaim làn-Ghàidhlig agus na h-àite gnìomhachais làn-Ghàidhlig, le sàbhaladh, brosnachadh agus leudachadh na Gàidhlig mar phrìomh adhbhar na Colaiste.

Ar Sealladh

Bidh Sabhal Mòr Ostaig mar:

Shàr ionad nàiseanta is eadar-nàiseanta airson na Gàidhlig
Shàr ionad foghlaim is rannsachaidh
Shàr ionad dha na Meadhanan is na h-Ealain Ghàidhlig
Phrìomh ionad ionnsachaidh na Gàidhlig
Shàr ionad cleachdadh na Gàidhlig
Phrìomh àite-obrach na Gàidhlig
Làn chom-pàirtiche ann an lìbhrigeadh Plana Nàiseanta na Gàidhlig

Luachan agus Dòighean-obrach an t-Sabhail

A' brosnachadh co-ionannachd

Tha co-ionannachd aig cridhe obair na Colaiste anns a h-uile dòigh.

Miann

A' togail air soirbheachas mar Ionad Nàiseanta Cànan is Cultar na Gàidhlig gus coimhearsnachd na Gàidhlig a mhisneachadh agus a neartachadh.

A' Ghàidhlig

Tha an cànan aig cridhe obair na Colaiste agus tha sinn a' dèanamh a h-uile oidhirp airson a neartachadh agus a leasachadh anns gach raon de ar n-obair.

Sàr-ionad

Tha a' Cholaiste stèidhichte airson a bhith na sàr-ionad foghlaim, rannsachaidh agus leasachaidh, ag obair còmhla ri ar coimhearsnachdan is com-pàirtichean ionadail, nàiseanta agus eadar-nàiseanta. Tha e mar amas dhuinn taic a chur ri ar n-oileanaich agus ri ar luchd-obrach a chum maith am beatha.

Aig cridhe na coimhearsnachd

Tha Sabhal Mòr Ostaig aig cridhe coimhearsnachd na Gàidhlig, aig ìre ionadail, nàiseanta agus eadar-nàiseanta.

Daoine

'S iad ar daoine - luchd-obrach, oileanaich, buill ar coimhearsnachd agus ar luchd-ceuma a tha sgapte air feadh an t-saoghail, an neart as motha a th' againn. Bidh sinn ag obrachadh gu dlùth còmhla riutha gus an Ro-innleachd seo a thoirt gu buil.

Fosgailte agus onarach

Tha soirbheachas na Colaiste an crochadh gu mòr air a bhith a' dèiligeadh ri daoine gu h-onarach agus gu fosgailte agus a bhith dìreach nar cuid conaltraidh ris gach neach leis a bheil sinn ag obrachadh.

Ùr-ghnàthach

Tha a' Cholaiste air cliù a chosnadh dhi fhèin mar shàr-ionad ùr-ghnàthach aig cridhe leasachadh na Gàidhlig

A' cur ri luach eaconamach agus sòisealta

Tha buaidh mhòr aig obair an t-Sabhail Mhòir air eaconamaidh agus coimhearsnachd na Gàidhlig agus tha a' Cholaiste a' creidsinn gu mòr ann a bhith a' sgaoileadh nam buannachdan sin a tha i a' cruthachadh gu maith ar coimhearsnachdan air fad.

Àrainneachd Bheothail

'S e stèidheachd ionnsachaidh bheothail, adhartach a th' ann an Sabhal Mòr Ostaig, a bhios ag amas air coimhearsnachd Ghàidhlig làn misneachd is soirbheachais a bhrosnachadh. Tha iomadh pròiseact agus buidheann stèidhichte air làrach na Colaiste (faicibh an liosta gu h-ìosal), agus iomadh tachartas ionadail air an cumail ann cuideachd (ach tro Chovid).

Tha iomadh togalach againn air an làraich agus bidh buidhnean is pròiseactan stèidhichte againn a' dearbhadh cho cudromach 's a tha com-pàirteachas ann an saoghal na Gàidhlig agus mar a tha a' Cholaiste cuideachd a' cumail taic ri gnìomhachasan anns an sgìre fhèin.

Pròiseactan (far a bheil com-pàirt aig a' Cholaiste)

SOILLSE

Faclair na Gàidhlig

Ainmean-Àite na h-Alba

Tobar an Dualchais

Companaidhean agus Buidhnean leis a' Cholaiste

Fàs Mòr - ionad cùraim chloinne

Cànan (CGS) - Companaidh ioma-mheadhan na Colaiste

SkyeSpace - stiùidio agus goireasan clàraidh

Luchd-màil nan Oifisean

Dualchas - ailtirean

Seumas Ó Baoighille Ltd - gnìomhachas ionadail

DEARG - Bùth ghibhtean

SEALL – companaidh ealain ionadail

Sealladh - companaidh riochdachaidh telebhisein

Young Films – companaidh film

Òraidiche – Fios mun dreuchd

Thathas a' sireadh thagraichean mu choinneimh na dreuchd, Òraidiche ann an Gàidhlig is Cuspairean Co-cheangailte. Bidh an neach soirbheachail a' cur gu mòr ri teagasg, rannsachadh agus buaidh, a' gabhail a-steach dealbhadh is libhrigeadh cùrsa aig ìre ro-Urraim, Urraim is Maighstireachd, agus rè ùine, ri stiùireadh oileanaich PhD. Tha sinn a' cur fàilte air iarrtasan airson na dreuchd seo bho thagraichean uidheamaichte agus bho raon farsaing de chuspairean spèisealta, nam measg, ach gun a bhith cuingealaichte ri:

- Cànan, dualchas is litreachas
- Cànanachas, sòiseo-chànanachas is dealbhadh-cànain
- Togail cànain, teagasg is ionnsachadh
- Eachdraidh na Gàidhealtachd

Tha cothrom ann airson an dreuchd seo a thabhann do luchd-obrach à thall-thairis cuideachd. Dh'fheumadh an tagraiche soirbheachail riaghailtean agus cumhaichean Oifis na Dùthcha a choileanadh airson cead visa obrach ìre 2 fhaighinn.

'S e cothrom air leth a tha seo airson taic a thoirt do ghinealach ùr na Gàidhlig agus a bhith a' co-obrachadh ann an sàr-sgioba air àrainneachd bhrosnachail, dhùbhlanach is luachmhor tro mheadhan na Gàidhlig. Tha eòlas air teagasg aig ìre fo-cheum riatanach. Bidh cothroman ann airson leasachadh proifeiseanta ann an teagasg tro mheadhan na Gàidhlig.

Bidh e comasach dhut teagasg air modalan a tha ann mar-thà, leithid Saoghal na Gàidhlig no Sgilean Eadar-theangachaidh, a bharrachd air modalan ùra a leasachadh anns na raointean eòlais agad. Bidh e comasach dhut a dhol an sàs gu h-èifeachdach ann an teagasg aghaidh-ri-aghaidh agus air-loidhne, agus adhartachadh ionnsachadh oileanach tro mheadhan na Gàidhlig. Thathas ag iarraidh ort cur gu mòr ri rannsachadh anns na raointean sònraichte agad, agus cur ri stiùireadh oileanaich rannsachaidh Maighstireachd agus PhD.

Thathar an dùil gum bi PhD ann an raon iomchaidh agaibh agus eòlas agaibh cuideachd air teagasg aig ìre Oilthigh.

Prògraman fo-cheum agus for-cheum aig Sabhal Mòr Ostaig

Tha Sabhal Mòr Ostaig a' tabhann grunn chùrsaichean fo cheum is for-cheum, air astar agus air an àrainn, le spèisealachdan ann an cànan, leasachadh agus poileasaidh cànain, litreachas, dualchas, na meadhanan, foghlam, ceòl traidiseanta is eadar-theangachadh. Tha na goireasan leabharlainn agus tasglainn againn a' sìor-fhàs, agus a' tarraing àireamh nas motha de dh'oileanaich fhor-cheum. Bha sinn riamh às-gaidh gu frithealadh air feumalachdan foghlaim na Gàidhlig, agus tha sin air aithneachadh san inbhe a th' againn mar Ionad Nàiseanta airson Cànan is Cultar na Gàidhlig. Bha sinn aig teis-mheadhan nan oidhirpean a thug Oilthigh na Gàidhealtachd is nan Eilean gu buil. Tha sinn an-dràsta ag ullachadh airson 50 bliadhna de Shabhal Mòr Ostaig a chomharrachadh ann an 2023, agus ag obair air planaichean airson inbhe SMO mar Ionad Nàiseanta Cànan is Cultar na Gàidhlig a leasachadh.

Tha sinn a' feuchainn ri coimhearsnachd Ghàidhlig ioma-fhillte a chruthachadh air an àrainn, le grunn iomairtean agus ghnothachasan stèidhichte ann (m.e. Tobar an Dualchais, Faclair na Gàidhlig) agus le luchd-ealain agus sgrìobhaiche air mhuinntireas gu bhith againn.

Cùrsaichean Fo-Cheuma

Tha na ceithir ceumannan BA/BA le Urram ann an Gàidhlig is Leasachadh, Cànan is Cultar na Gàidhlig, Gàidhlig is Ceòl Traidiseanta agus Gàidhlig is Foghlam ag obair còmhla ann an 'sgeama', a' tòiseachadh le 'bliadhna cànan' (le cùrsaichean fa leth aig SCQF ìre 7 do luchd-ionnsachaidh, oileanaich a thàinig tro fhoghlam tro mheadhan na Gàidhlig agus oileanaich air astar). Air a' bhliadhna a tha romhainn, thèid ath-structaradh a dhèanamh air na ceuman ann an Gàidhlig is Leasachadh agus Cànan is Cultar, agus cuiridh sinn fàilte air cothrom spèisealachdan ùra a chur ris a' chlàr-ionnsachaidh. An-dràsta tha na prògraman seo a' gabhail a-steach litreachas bhon 21mh linn air ais gu linn na Gàidhlig Clasaigich, dualchas agus beul-aithris, eachdraidh na Gàidhlig is na Gàidhealtachd, eachdraidh shòisealta, ainm-eòlas, dealbhadh is poileasaidh cànan, imrich, leasachadh choimhearsnachdan, mion-chànanan is fèin-aithne, feallsanachd, 'Ceilteachas', cànanas is dualchainntean na Gàidhlig, sgilean rannsachaidh agus sgilean eadar-theangachaidh.

Cùrsaichean For-Cheum

A bharrachd air oileanaich rannsachaidh PhD, tha cùrsaichean for-cheum againn - MSc ann an Cultar Dùthchasach is Eachdraidh na Gàidhealtachd, Maighstireachd Rannsachaidh ann an Gàidhlig is Ceiltis agus PGDE ann am Foghlam. Tha sinn cuideachd air cùrsaichean for-cheum a thabhann ann am foillseachadh agus ann an eadar-theangachadh. Tha Sabhal Mòr Ostaig com-pàirteach ann an Soillse, a' bhuidheann rannsachaidh eadar-oilthigh.

Coimhearsnachd Rannsachaidh Shabhal Mòr Ostaig

Tha àite cudromach aig Sabhal Mòr Ostaig ann an ath-bheothachadh cànanach agus cultarach na Gàidhlig ann an Alba. Tha cliù eadar-nàiseanta againn airson a' bhith a' sgrùdadh eachdraidh agus litreachas na Gàidhlig, an-dè agus an-diugh; airson rannsachadh air taobhan poilitigeach, foghlaim agus coimhearsnachd, agus air ath-bheothachadh mion-chànanan; agus airson a dhol an sàs le ealain chruthachail Gàidhlig agus le meadhanan craolaidh agus air-loidhne.

Tha SMO na dhachaigh do ghrunn phrìomh phròiseactan ro-innleachdail ceangailte ris a' Ghàidhlig agus prògraman co-cheangailte ri leasachadh ghoireasan. Tha e na phrìomh chom-pàirtiche ann an SOILLSE, tha e na dhachaigh don phròiseact eadar-oilthigh Faclair na Gàidhlig, do dh'Ainmean-Àite na h-Alba, agus Tobar an Dualchais. Tha sinn cuideachd nar com-pàirtiche ann an grunn phròiseactan cudromach nàiseanta is eadar-nàiseanta le fòcas air leasachadh mhion-chànanan, ionnsachadh cànan le taic coimpiutair, leasachadh coimhearsnachd agus ealain mhion-chànanan.

Tha an ro-innleachd rannsachaidh is buaidh againn ag amas air togail air a' chliù rannsachaidh àrd-ìre a tha againn agus gun lean sinn oirnn a' cur prìomhachas air gnìomhan rannsachaidh a leasaicheas tuigse agus mothachadh air cànan, cultar agus dualchas na Gàidhlig.

Tha cothroman trèanaidh agus leasachaidh aig luchd-obrach a tha an sàs ann an rannsachadh, a bharrachd air cothroman air comhairleachadh, maoineachadh agus faochadh bho dhleastanasan eile airson gnìomhan rannsachaidh, le taic tro Mhaoin Cho-labhairt agus Mhaoin Shiubhail OGE, Mhaoin Leasachaidh Luchd-obrach SMO agus Sgeama Sàbaideachd OGE. Bidh sinn a' cumail sreath de cho-labhairtean rannsachaidh cunbhalach far am bi an luchd-obrach againn fhèin agus luchd-tadhail agus oileanaich iar-cheumnach a' taisbeanadh an cuid obrach.

TIOTAL-OBACH	Òraidiche/Àrd-òraidiche ann an Gàidhlig agus Cuspairean Co-cheangailte (a-rèir eòlais)
ROINN	Roinn an Fhoghlaim
AN URRA RI	Stiùiriche Cùrsa
UALLACH AIRSON	Faic prìomh uallaichean fodha
SGÈILE TUARASTAIL	Sgèile Nàiseanta Òraidichean Cholaistean: £34,170 – 42,357
PRÌOMH ÀITE-OBACH	Sabhal Mòr Ostaig
CEANN-LATHA	30 An t-Iuchar 2021

Prìomh amas na h-obrach

A' teagasg mheadalan àrd-ìre tro mheadhan na Gàidhlig air an làraich is aig astar agus ag eagrachadh ia ag ath-bhreithneachadh phròiseasan teagaisg, measaidh is rianachd co-cheangailte ri prògraman fo-cheum, for-cheum is sgoilearachd aig Sabhal Mòr Ostaig. **A' cur gu mòr ri rannsachadh agus a' cur ri stiùireadh oileanaich rannsachaidh** Maighstireachd is PhD.

Prìomh dhleastanasan is uallaichean

A' cur gu mòr ri **libhrigeadh teagaisg, stiùiridh is measaidh**, thar phrògraman fo-cheum is for-cheum taobh a-staigh an t-Sabhail Mhòir. (air an làraich agus aig astar)

Rianachd cùrsa a dhèanamh, a' cumail ri cinn-là riatanach, a' dèanamh cinnteach gum bi fiosrachadh air a chonaltradh gu h-èifeachdach, gu sònraichte riatanasan agus slatan-tomhais measaidh.

A' leasachadh dhòighean èifeachdach air **teicneòlas ionnsachaidh** a chleachdadh ann an libhrigeadh a' chùrsa, eagrachadh a' chùrsa, ais-bheachdan agus measadh.

A' cumail **comhairle is taic ri oileanaich**. Bidh Comhairlichean Acadaimigeach Pearsanta aig gach oileanach, agus bidh coinneamh aca leotha turas gach semeastar.

A' gabhail pàirt ann an **obair rannsachaidh** agus a' cur ris an obair sgoilearachd agad fhèin.

A' dol an sàs ann an obair rannsachaidh a chuireas ri inbhe rannsachaidh na Colaiste agus a thèid tro mheasadh an REF.

A' stiùireadh oileanaich PhD is rannsachaidh far a bheil seo iomchaidh.

A' gabhail os làimhe **obair rianachd**, mar a thèid aontachadh le Stiùiriche an Fhoghlaim.

A' dèanamh cinnteach gum bi **dòigh-obrach in-ghabhalach** agus stèidhichte air fianais ann a bhith a' comasachadh ionnsachadh ann an raon de chruthan aghaidh ri aghaidh agus a dh'fhaodadh a bhith air-loidhne leithid clhasaichean oideachaidh, òraidean, ionnsachadh stèidhichte air duilgheadasan, a bhrosnaicheas com-pàirteachadh oileanaich agus coileanadh builean ionnsachaidh.

A' leasachadh dhàimhean-obrach èifeachdach le oileanaich agus, ann an com-pàirteachas le seirbheisean oileanach, a' dèiligeadh ri feumalachdan sònraichte no suidheachaidhean measgaichte a chuireas luach ann an diofar dhòighean ionnsachaidh.

A' leasachadh dhàimhean le luchd-ùidh air an taobh a-muigh, a' cur ri obair is inbhe an sgeama agus a' taisbeanadh sàr-mhaitheas agus cothroman co-obrachaidh.

A' dol an sàs ann an gnìomhan **leasachadh proifeasanta leantainneach** mar a bhios iomchaidh.

A' gabhail pàirt ann an gnìomhan co-cheangailte ri **trusadh oileanach** (m.e. làithean-fosgailte) agus inntrigeadh.

A' cur ri **àrdachadh ìomhaigh eadar-nàiseanta na Colaiste** a-rèir a' Phlana Ro-innleachd.

Dleastanasan iomchaidh sam bith eile mar a thèid iarraidh le Stiùiriche an Fhoghlaim

Seo tuairisgeul air an obair mar a tha e. Sa chumantas thèid beachdachadh air seo bho àm gu àm gus dèanamh cinnteach gu bheil e iomchaidh agus gus atharrachadh sam bith a dhèanamh. Thèid seo a dhèanamh leis an neach-obrach agus a' mhanaidsear aige/aice agus mar sin thathas a' sùileachadh gun gabhar pàirt anns na còmhraidhean seo. Tha Sabhal Mòr Ostaig ag iarraidh gun gabh cùisean aontachadh leis gach neach ach far a bheil seo do-dhèante, tha còraichean aig Sabhal Mòr Ostaig air atharrachaidhean ciallach a dhèanamh a-rèir tuarastal an neach-obrach às dèidh bruidhinn ris/rithe mun chùis.

Sònrachadh Pearsa

	Riatanach	Buannachdail
Teisteanasan	PhD Fo-cheum no Ceum le urram ann an cuspair iomchaidh	Barantas ann an teagasg Àrd-ìre no teisteanas aithnichte le <i>Advance HE</i> Teisteanas Teagaisg (TQFE).
	Farsaingeachd agus doimhneachd eòlais anns a' chuspair co-cheangailte ris a' Ghàidhlig no ann an teagasg Gàidhlig mar chuspair cànan	Comas dearbhte air modhan teagaisg cànan agus leasachadh cànan
	Comas dearbhte air modhan teagaisg agus ionnsachaidh Lèirsinn a thaobh adhartais-foghlaim	Eòlas san fharsaingeachd air deagh-ghnè
Eòlas	Comas air àrd-ìre creideis a thaisbeanadh am measg cho-obraichean	
	Taic do dh'oileanaich mar Chomhairliche Acadaimigeach Pearsanta (no coltach ris)	
	Cleachdte ri teagasg air-loidhne is a bhith a' cleachdadh àrainneachd ionnsachaidh air-loidhne (VLE)	

Comasan is Sgilean	Fileantachd sa Ghàidhlig, gach cuid labhairt, leughadh is sgrìobhadh Sàr sgilean teagaisg	Eòlas ann an leasachadh agus taisbeanadh dhòighean teagaisg is rannsachaidh agus a' dealbhadh mhodalan agus mhodhan-obrach
	Comas dearbhte a bhith a' dealbhadh, ag ath-bhreithneachadh agus ag adhartachadh phrògraman ionnsachaidh, teagaisg agus measaidh	Comas sgilean a nochdadh ann an Microsoft Office
	Deòin a bhith a' com-pàirteachadh ann an obair rannsachaidh aig SMO airson an àrainneachd rannsachaidh agus comasan an sgioba rannsachaidh a thoirt am feabhas	Sgilean làidir ICT airson teagaisg is rannsachaidh
	Deòin a bhith ag obair air (no a dh'ionnsaigh) foillseachaidhean aig ìre eadar-nàiseanta, toraidhean a chuireas ri REF agus a dhol an sàs ann an gnìomhan aiseig-eòlais	Comasan ICT airson teagaisg air-loidhne m.e. Wordpress, Brightspace, Blackboard
Comasan Pearsanta	Sgilean math rianachd agus comasan eagrachaidh gun stiùireadh	Cead dràibhidh Deòin a bhith a' siubhal
	Fianais gu bheil an sàs ann an leasachadh leantainneach proifeiseanta	
	Deagh sgilean eadar-phearsanta Sgilean conaltraidh aig a h-uile ìre Rianail agus gu follaiseach deiseil son deagh shaothair ann an àrainneachd innsgineach	

Fios mu larrtasan

Co-ionannachd Chothroman

Tha co-ionannachd chothroman aig cridhe Shabhal Mòr Ostaig.

larrtasan

Gheibhear foirmichean-iarrtais an [seo](#).

Tillibh litir agus foirm-iarrtais air post-d gu: obair@smo.uhi.ac.uk

Ceann-là: 30/07/21

An dùil gun tèid agallamhan a chumail air: 11/08/21

Thèid agallamhan a chumail tro Zoom.

Faodar còmhraidh neo-fhoirmeil a chumail le Eairdsidh MacIlleathain, Iar-stiùiriche an Fhoghlaim gu 9 An t-luchar air aml1.smo@uhi.ac.uk agus Dr. Marsaili NicLeòid, Stiùiriche an Fhoghlaim air 01471 888 302 no air post-d: mnl1.smo@uhi.ac.uk bho 12 An t-luchar.